



391851

Ms. St. Dr.


III  
at komp.





2042 III S. D.

ll



III Mag. St. Dr.




Ex Libris  
PODHORCE

AGRY. ORT

669











# EXPECTATIO POLONIÆ

DIGNITAS TRABEATA

*Illustrissimi & Excellentissimi*

D-D. MICHAELIS

De C Z A C

CZACKI

CASTELLANI VOLHYNIÆ

Ad Solennem Ejus Metropolis, suæq; simul  
Curulis ingressum; Publica omnium satisfac-  
tione, applausu, Lætitia;

ABSOLUTA.

*Ineunte Triumphorum Societatem  
obligato Mæcenatis amplissimi gra-  
tiis, Collegio Luceoriensi Societatis  
7 E S U.*

•••••

Anno Expectatæ Salutis. 1740.



# EXPECTATIO POLONIÆ

DIGNITAS TRABEATA

*Illustrissimi & Excellentissimi*

D-D. MICHAELIS

De C Z A C


CZACKI

CASTELLANI VOLHYNIAE

Ad Solennem Ejus Metropolis, suæq; simul  
Curulis ingressum; Publica omnium satisfac-  
tione, applausu, Lætitiâ;


ABSOLUTA-

*Ineunte Triumphorum Societatem  
obligato Mecænatis amplissimi gra-  
tiis, Collegio Luceoriensi Societatis  
7 E S U.*



Anno Expectatæ Salutis. 1740.





*Caput Ille Senatus.*  
*Vindex ille legum fori ritusq togæq* Corn. sev.  
*Vos superos testor quantis sudaverit ausis*  
*Hoc caput.* Dares Phrygius.  
*Unum hoc pro cunctis sat erit caput sylvius*  
*Capitisq manusq*  
*Antiquum decus.* Idem.

391851

III



Podh.

Bibl. Jag.  
1006/87 KZ

309.



Ad ILLUSTRISSIMUM  
&  
EXCELLENTISSIMUM  
D. CASTELLANUM  
VOLHYNIÆ



*Ascendis Senator optatissime non magis SERENISSIMI REGIS gratia, quam votis omnium iam dudum tibi destinata Curulim Volbrynæ; simulq; te Duce, ingens triumphorum agmen animos universorum subintrat; ut non plus præcelsâ hâc convocatæ Nobilitatis Coronâ, quam concurrentibus undiq; applausibus, sinuq; cordiû amplissimô teneri videaris. Hinc, antequam*



quam destinandos præsentî comi-  
tiorum votô legatos Varsaviam  
expedias; mittimus ad te lega-  
tos a latere a corde nostro plausus  
intimos, non aliis, præterquam  
grandibûs gloriæ tuæ instructos pun-  
ctis. Mittimus legem gratiæ, non in  
tabulis (ut cum Paulo profanus Ora-  
tor loquar.) lapideis, sed in cordibus  
nostris perenniter descriptam; quæ est:  
ut Te Mecenatē suū Gratosimū ubiq̃  
votis per fastigia, per apices titulo-  
rum obligata JESU Societas comi-  
tetur, Regum etiam solio, suorum  
cordibûs (si posset) illatura. Mitti-  
mus tandem hac paginâ, justæ pridem  
Domus Illustrissimæ, Volhyniæ, ac  
Patriæ demum Universæ desideria,  
qui-



quibûs ad prima in Senatu Lechico  
fastigia toties totiesq̃ petebaris, qui-  
bûs expectatus tamdiu Pater Patriæ  
Sanctè declarabare, nisi vocem tam  
liberam, tamq̃ bono communi salu-  
tarem, fortunæ licentia minus justè  
hactenus denegasset. Ex his Sena-  
tor Illustrissime plane intelliges,  
quo te plausu & Universorum læ-  
titiâ, suum bodie Castellatum Vol-  
hyniâ salutet; quem dotes præcellæ  
sanguinisq̃ emeriti dignitas talem  
fecere, qualis nec sperari ad purpu-  
ras non potuit, nec illo melior non  
optari. Exilis quidem hæc pagina  
est, sed magni in te affectus ac studii  
interpretes luculentus. Neq̃ vero ma-  
ior scribi potuit, cum ea quæ fastis  
notari



notari possunt integris, longe minor  
ra iis sunt quæ in gratiam Patriæ Vol-  
byniæ Tuorumq̃ summe Mecænæ fe-  
cisti. Ergo se ad merita tua tantopere  
non extendit oratio, ipsa duntaxat  
exilitate, summis te parem adoratura  
cum aliter te attollere Magne Sena-  
tor pro dignitate non possit. Reliqua  
quæ suppersunt (illa autem infi-  
nita sunt) Patriæ committit, hæc  
grato in corde, merita conatusq̃ gloriosos æternum  
exaret, Volbyniæ memoranda tradit, hæc sublima-  
tam gentis suæ gloriam, tuis dotibus subscribat;  
Astris tandem pensanda consignat, hæc te virtu-  
tum numerosarum suffragiô per gradus honorum  
infinitos proVectum, Cælo tandem licet serius ad-  
moveant. Ita præ cæteris vovet.

MECÆNATIS  
ILLUSTRISSIMI  
gratioso Nomini

Obligatissimum Collegium  
Luceoriense Societatis JESU.





Quem populi plausu Procerum quem voce petebas  
 Patria cerne virum, jam tempora desine longa  
 Dinumerare via, visoq; assurgere semper  
 Pulvere, non dubiis ultra torquebere votis  
 Totus adest oculis, aderat qui mentibus olim.  
 Spe major, fama melior, venerare curulem  
 Quæ Tibi restituit fasces, complectere dextram  
 Sub iuga quæ toties hostes Lechæa redegit  
 Excipe magnanimum pectus, quò fræna reguntur  
 Imperii, cujus libratur sensibus orbis  
 Os quod pro Superis, pro libertate locutum  
 Proq; tuis lucris toties audire placebat  
 Cerne libens, hic est venerandus Consul in ostro,  
 Defensor Patriæ Claudianus.



Uorumne potius magni-  
 tudini meritorum, an  
 suspirantis tādū Patriæ  
 ingentibus desideriis  
 Te Senatore fuerit sa-  
 tisfactum? Deus pon-  
 deret, cujus sensu sortes  
 & momēta Regnorū constāt. Rex iudicet,  
 A cujus



cujus distributiva Justitia cōgruā singulorum meritis præmia definit. Patriæ sensus concludat, cujus maxima felicitatis ratio in eo sita est, si summa summis ex merito & dignitate sorte disposita consentiant. Equidem si grandes curarum impensæ & millena fortunæ salutisq; Tuæ pro salute Civium dispendia, lance publicæ exponant; quam magna hæc sunt, tam longè minus est, quidquid pro præmio, pro censu, pro stipendio Tuæ virtuti debetur. Fecisti CASTELLANE Illustrissime ex indole summorum capaci, & conatu erga commoda Patriæ saluberrimo, Divinam planè (ut ita dicam) Hypostasim, cujus actiones singulæ, sensus, respiria, motus deniq; minimi tam magni sunt, ut nil pretii æquale sibi de condigno admittant. Quanto magis illud honoris trabeati, ingens quidem cæteris, Tuæ tamen summæ virtuti exile debitum, Quid enim est curulis illa Volhyniæ subalterna? qui suprema in senatu Lechico subfella merebare? quid illa purpurae fila tuis pēsura ab humeris, à quibus toties salus publica depēdebat, Haberet sane quod



nè quod citra muricē erubesceret ostrum  
hoc, tandiū Tuæ virtuti debitum, &  
tandiū non citra Patriæ, salutisq; publi-  
cæ dispendia derogatum. Majora lon-  
gè fastigia occupant, qui Tuīs meritīs  
minora longè fecerunt. Declaratiq; pri-  
dem oraculorum capaces, qui vix balbu-  
tire tunc poterant, cum Tu pro com-  
modo Civium, pro Legum integritate,  
pro gloria Gentis Nostræ, in illa Quiri-  
tum Poloniæ Stuba, in publico Patriæ  
confessu, multoties jam loquerere. Tu  
interim Senator ILLUSTRISSE ostrum  
huic, pro innata Tibi modestia lacertos  
submitisti. Illa fortè contentus sorte, quæ  
est optimorum cordibus ingenita: mere-  
ri fatiūs grandem insignibūs rectefactis  
gloriam quam habere. Et cum cæteri  
Titulos ceu iusta meritorum stipendia  
sine meritis ambiunt, Tua virtus Tituli  
majoris loco, istud honos sibi vendicat,  
quod parto duntaxat virtutibūs bono no-  
mine gloriosus magis vivere contendas,  
quàm per Honorum fastigia gloriam no-  
minis attollere sine virtutum funda-  
mento & basi. Ergo non Curulem iam



Volhyniæ, non trabeatum illud subsellium, communi plausu oratio prosequi constituit; ne si hanc Purpuram conferat cum meritis, ipse se murex imparem Tuis virtutibus erubescat. Sed id jam in præsentì declarabit, quod se jam dudum per corda per animos, per ora expectantium, Civium longissimè propagabat; & jam hodie in plausus, in triumphos, in tripudia propè infinita desiit, id est desiderium illud antiquum & ingens, quo Te Domus Illustrissima Polonæ purpuræ decus maximum post tot Majores purpuratos, Honor Volhyniæ trabeatus, Provinciæ suæ gloriam, post tot Provincias & munera gloriosè absoluta, Patria demum universa Patrem conscriptum, post tot merita integris Poloniæ fastis conscribenda tãdiu! tamdiu! exoptabat. Quod si id minùs exequi poterit, concludes Senator gratiosissime, nec animum Oratori, nec Oratorem animo suoq; officio velle deesse, quo Te Tuamq; dignitatem tot titulìs, nominibûsq; obstrictus, jure præ cæteris prosequi deberet, si posset. Sed illud videri universæ erga Te Patriæ



triæ justum quidem, at nondum fortè æquale Tuæ virtuti pretium quod tam immensum sit, ut capi exili pagina non possit.

Non damnamus Fortunæ tarditatem, quòd suspenso interim pede, votis mortalium condescendit, ut expectantium tædia eo feliciùs eventu locupletet, quo se magis infaustos per differentis absentiam quærebantur. Utiq; & fontium dulcedo, majori delibantis sensu percipitur, quem diuturna olim sitis exacuit. Eo carior gemma Oceano, quod eam à longe hospitem quia alto delapsam Cœlo conchæ expectent. Nec Cedrus eo Dodonæ esset in pretio, nisi eam sæcula parturirent. Gratias proinde Superis cunctantibus immortales quod eo tædia suspirantium provexerint, ut amplient gaudiorum magnitudinem, quibûs se auget pectus illud Patriæ augustum, Te corde Libertatis Polonæ intra viscera Senatus Lechici licet seriûs admissio. Amamus illos gemitus, quibus tamdiu Domus Illustrissimæ pupillam immergi placuit, donec Tu gemma ad coronam Procerum emergeres. B Sed



Sed proh! quantum suspirii, voto-  
rumq; impensum est, ut Te gloriam Se-  
natus Lechici lucrari suo honori licuif-  
set. Quot votis, quot clamoribus ge-  
neris præcellis intimis ad trabeas tamdiu  
petebare! Sequere (auditum non semel)  
præivimus Avi, Proavi, majorumq; a-  
gmen insigne, aditum fecimus meritis,  
viam trivimus exemplis. Sequere! glo-  
ria Patris præcessit ad titulos, majorem  
Poloniâ quasi suis meritis esset minor ex-  
cessit, minorem grandibus ampliavit re-  
ctefactis, quorum suffragio maximus in  
Senatu Lechico Consus evasisses si vel-  
les. Sequere! Genitor tinxit Purpuram  
sanguine, paravit Curulem ferro bellico,  
Ipsemet inter Quirites Lechiæ certo ses-  
surus, nisi occumbere prius fatis juben-  
tibus coactus Tibi gloriose Fili, Patris  
Patriæ merita unâ cum titulo cederet  
Compenset itaq; fortuna in Nato, quid,  
quid in Parente minus justè negaverat.  
Sequere (adhuc intonat Mater de ZA-  
HOROWSCIIS Castellanis Volhyniæ  
Illustrissima) & sanguinis quem traxisti  
jure utere. Nefas insigne est, si partam  
vir-



virtutibus Avi gloriám unà cum titulis  
amittas inglorius, nil in Te præter lan-  
guinem relicturus. Majorem illum qui-  
dem Tuum fateris & prædicas, sed ille  
Te minorem se ipso habere renuit: cum  
summis etiam par esse merito & dignita-  
te possis.

Hæc dum Majorum Tuorum Vota  
tacita auscultat svada, adhuc se de me-  
dio marmore gratalis quidam clamor  
proripit & ingentis desiderii vocem de-  
promit. Castellano me Patre genitam non  
ignoro, sed amor titulum unà cum no-  
mine mutavit, quod ut constanter fer-  
rem, ipsa meæ virtutis Nominisq: Con-  
stantia imperavit. Castellanam me Vol-  
hyniæ Tuis meritis victuram speravi,  
quæ Castellanis vivere incæpi; sed ne  
Talis viverem, viventis per sæcula Alta  
Potestas prohibuit. O quæ! non gaudia  
spirarem! si superstes gaudere munere  
hoc possem, particepsq; trabeati honoris  
fieri, quæ amoris Comes individuus, &  
vitæ socialis semper eram. Ergo si cæ-  
li superstiti recusant, mortuæ saltem se-  
pulchri titulum non denegent. Mortu-



am ne Castellanam prædicent, si vivam  
hoc titulo nuncupari non licuit. Non  
parva pars etiam in Cœlis gloriæ erit,  
eminere tam insigni Purpura gloriosam.  
Aut si solo sanctæ vocabulo honoreq;  
contenta vivere jubeor, contenta vivo, si  
saltem relicta amoris sanguinisq; Nostri  
Fignora unâ cum sanguine muricem de-  
rivent. Non putent Matris titulos, cum  
nomine simul desinere in Parentem; e-  
tiam sanguine Paterno progeniti, nove-  
rint se esse, qui sunt, ingentium scilicet  
nominum Hæredes & honorum. Hæc  
vox dum Cœlo insonuit, non dubito  
quin Snperum benignitatem statim in  
vota inflexerat, cujus superstitis adhuc  
condita gratiis humanitas, aspera etiam  
saxa emolliret in favores.

Et hæc sunt sincera citra fictionem  
Rhetoricam Domus Illustrissimæ deside-  
ria, ex quibus Senator Magne iam collige,  
an non iuste, qua generis præcelso, qua  
meritorum privilegio quæri possent ni-  
miam erga Te honoris tarditatem. Quid  
si fæderata sanguini Tuo nomina in vo-  
torum Societatem evocem? O quantū!  
credo



credo Serenissimum LESZCZYNIO-  
RUM Caput hætenus sudabat, ut Tu in  
prima Capitoli Sarmatici fronte emi-  
nuisses ad gloriam! Quantum Gentilitia  
SZOLDRSCIORUM oneraria Suspiri-  
is, fluctibusq; tædiorum jactabatur, ante-  
quam vellus illud trabeatum, ceu fortu-  
na Regni Sarmatici Tuis meritis defer-  
retur! Ipsa gentilitia POCIEIORUM  
atq; LUBOMIRSCIORUM flumina quæ  
in Tui sanguinis archipelagum pleno  
descendunt alveo, quam alto ferebatur  
votorum impetu! ut Te in portum tra-  
beati honoris deponerent. Jam si alti-  
us ferro ZAMOYSCIANI Pectoris inti-  
ma scrutari liceat. O! quantis illud lan-  
cinabatur honoris Tui tædiis, quod non  
semel Tuæ dignitatis magnitudo gran-  
di admiratione defixerat, dubium sane  
repetitum videbatur, an SARII ILLU-  
STRISSIMI viscera, hastarum ternio  
hostilium, an inimicæ tamdiu fortunæ,  
licet Tuæ Domui tam vicinæ, multiplex  
inclementia atrocius vulneraret? Quid  
si Conjuncta Domui Tuæ CZAPSCIO-  
RUM, WOŁOWICCIORUM, MI-  
C CIEL-



CIELSCIORUM, KOZMINSCIORUM,  
MODLIBOWSCIORUM, GAIEWSCI-  
ORUM & millena alia nomina recense-  
am? Quorum Tu unitis cordibus, ceu  
præcipua generis præclari Portio ceu  
sanguinis magni pars primigenia ad pur-  
puras, Titulosq; insignes ferebare; Illo-  
rum utiq; honor, Honor Tuus est unaq;  
cum sanguine totum descendit in ceteros,  
quidquid gloriæ in Te redundat ex me-  
ritis.

Sed jam Gentilitiam Volhyniæ A-  
quilam spectare liceat, & quam magnis  
supra cæteros ferretur desideriis intue-  
ri, ut Te aliquando primæ magnitudinis  
in Cælo Polono sydus aspiceret. Non  
una credo præter vitam Crucem, Crux  
pectori dolentis inhæserat, quæ ut intu-  
entium animos Tuorum meritorum ad-  
miratione defixit, sic expectantium vo-  
ta, quibus Te ad primos Volhyniæ fa-  
sces anhelabant, tamdiu tamq; crudeli-  
ter suspendens cruciabat. Augebant  
doloris magnitudinem Gentilitiis  
Crucibus Celsissima WISZNIOWIEC-  
CIORUM, POTOCCIORUM, LEDO-  
CHO-



CHOWSCIORUM, OLSZANSCIO-  
RUM Tuo sanguini Nomina conjura-  
ta, Ibat in societatem justī doloris Illu-  
strissima WIELHORSCIORUM, OZ-  
GARUM, OLIZARORUM Do-  
mus, imo tota Vołhynia quæ Do-  
mus Tua est, & pars generis magni non  
parva, tota in tædia & immensos anhe-  
litus solvebatur, respiratura dulcius, si o-  
ptimorum votis fors pessima melius a-  
spiraret. Imprimebat insuper tot inter  
Cruces profundam grato pectori cica-  
tricem, alta meritorum Tuorum memo-  
ria, quibus præ cæteris Tuam Vołhyni-  
am jam Legatus ad Publica Regni co-  
mitia, toties totiesq; repetitus, jam fæ-  
deratarum copiarum Ductor bellicosissi-  
mus, non citra vitæ, fortunæq; propriæ  
dispendia cumulasti. Agmen illa ite-  
rum bellicum Tuo pro honore fædera-  
ta libens cogeret, tantum Tibi adversæ  
fortis expugnatura inclementiam, quan-  
tum Tu olim ab illius limitibus hostium  
sævitiem propulcasti.

At Tantumne? unius Vołhyniæ Do-  
musq; præcellæ liminibus, tædiorum ma-  
gnitudo tenebatur? Serpebat illa per a-



nimos Civium, per totius Patriæ præcordia, ut dubium sanè fuerit, pluinè illa in te votis, quam Tu in eam meritis contenderes. Latere quidem non poterat oculos intuentis, grandis illa majorq; ferè humanis viribus contentio qua nuper campum Martium, libertatis strenuus defensor decurrebas, sequebaris hostem perfidum, fidem erga Patriam fuso etiam sanguine testaturus. Hinc quantum invidebat cæcos in se hostium furores, tantum Te suæ pupillæ custodem indefessum, videre in summo honoris Lechici gradu exoptabat. Interim qui contractos æstu bellico sudores purpura detergeret, forte deerat; majorisq; piaculi loco ducebatur, quod pro magnæ virtutis monumento præmiiq; insignis merito æquius haberetur. Non fregit tamen constantem animum adversus licet Tuorum rectefactorum spectator, magisq; livor animabat ad optima ut fere cum hostium odiis erga Patriam, Tuus amor contendere videretur, nunquam nisi fortè cum sanguine & vita extinguendus. Ergo postquam Janus Lechicus



chicus in pacis auspiciū postes cruentos obseravit, iterum se Tuæ virtuti nova recludit acies, ut cum iam in sago non posses, Togatus Patriam tueris, manu a ferro remota, capite libertatem, defensusurus. At mihi quidem videtur major illa merendi fors, quæ se citra Patriæ pericula, Patriæ impendit, quàm quæ illius felicitatem, per clades internas & domestica auget dispendia. Grāde equidem illud amoris documentum est pro sanguine & vita Civium, sanguinem, & vitam profudisse; darinè tamen potest citra evidens gentis defensæ periculum? ubi miles, milite, ceu vitrum, vitro, mutua ab utrinq; clade frangitur; ubi ipse armorum motus Patriam fatigat, ipsa hostium fuga lædit præcordia, more veneni quodsi violente eijcis, viscernum torturam ingentem sentis. Ubi mille discriminum timores, tituli rapinarum infiniti, luxus bellorum immensi jure necessitatis colorati. Illam deniq; in bellis regulam bellicæ providentiæ puto difficillimam, quæ est: ut cum Patriæ tyrannos longius propellis, ipse ne sis

D

Nero



Nero Tuæ Patriæ cautum velis. Longe id quidem à Tua abfuit modestia, cujus glorioso pectore, defendendæ potius fortunæ publicæ, quàm absumendæ curalaborq; præcipuus jam dudum inle-derat; Ne tamen etiam periculum de Te timendi Patriæ feciffes; quod omni metu poſthabito paſſim bellicæ licentiæ uſuvenit; oſtendiſti facile, æquè Te Marte ac Tullio gloriam Gentis Polonæ defendi poſſe, idemq; eſſe: dicere Te; pro Patriis legibus fortiter, & pugnare, tam ingens Tuo ſermoni facultas roburq; dicendi inerat. O! quantum ſe Beatam jam Te Conſule Romam ſenſit Lechia! quantum ſurgebant ſpes publicæ, cum Tu inter Quirites Patriæ Conſo vel Catone Major aſſurgeres, pro legum integritate, pro ſalute communi, in publico illo Conſiliorum theatro certaturus. Nullum interea orator manſvetiſſime animi vehementis indicium, qui ſe paſſim Zeli majoris jaçtat titulo oſtendiſti, nullo inconditi clamoris ſtrepitu, qui ſe liberæ vocis nomine tuetur dicendi amœnitatem perturbaviſti, ſed pro innata modestia



desia, agendiq; prudenti consuetudine,  
inanem verborum contentionem solida  
ratione absolvebas; facilè ostensurus: ju-  
stum Civis optimi Zelum in dicendi ro-  
bore; non in animi impotentis conten-  
tione situm esse. Hic jam Majestas lau-  
dare sensus æquitatem, Senatus dicendi  
felicitatem mirari, Patriæ Consi uno o-  
re, consensu, approbatione fidem; Ze-  
lum, gratiamq; dicendi vix hominibus  
concessam attollere. Sed quot Tibi  
curas laboresq; prope infinitos, quot vir-  
tutis deniq; pericula, ipsamet virtutis  
Tuæ peperit commendatio! Divelle-  
baris legatorum constantissime omnes  
in partes, alii Te in sua commoda, alii  
trahebant in alia, optime utrinq; suis spe-  
bus votisq; provisuri, quia optimè de  
Te persuasi, omnes de Te solliciti, quia  
omnes Tuæ virtutis simul amore, simul  
metu capti justè timere poterant, ne si  
ab eorum voluntate & votis sensu & ra-  
tione longiùs discessisses, hoc ipsum Pa-  
tria in fraudis cujuspiam suspicionem  
non injustam verteret, cum communis  
de Te universorum sensus illeq; perpe-



tuus sit, quod ut chrysolitus auro, sic  
bono Patriæ Legatorum æstimatissime  
toto sensu & corde adhæreas; nihilq;  
de Tuæ mentis oraculo auditum sit,  
quod non cunctis optimum videatur.  
Meminimus Senator Illustrissime cum  
expirante jam jam AUGUSTI SECUN-  
DI Imperio adhuc Respublica palpi-  
ret, sensumq; dicendo Te Legato in ulti-  
mo illo consiliorum exitu depromeret,  
quem agonem, quam luctam, virtus Tuæ  
mentis invicta tolerabat! Jam Te testa-  
tis officiis, jam speciosis munerum pro-  
missis insolens ambitus titulorum inci-  
tabat, ut à promissa Patriæ fide discede-  
res, Te uno die integros fatigare! adi-  
tum illecebris quærere! noctes etiam  
turbabat inquietus honoris amor Illu-  
strissimis Titulis quibus Te circumvalla-  
bat easdem accensurus, si Tua virtus  
permitteret. O quot tunc poteras, u-  
no a legibus gradu posito Nomini Tuo  
Titulorum comparare! Sed Tu qui ma-  
ximi proventus loco virtutem æstimas,  
maluisti debiti aliàs Tuis meritis sti-  
pendii spem totam perdere, quam per  
Patriæ



Patriæ legumq; dispendia. honorum lucra conquirere.

Hæc cæteraq; Tuæ virtutis, dotumq; præcellarum miracula non poterant Civium memoriam fugere, quæ omnium oculis auribusq; tenebantur. Ferebaris passim communi præconio per aures, per corda populorum, defensor libertatis invictus, Custos Patriarum legum integerrimus, adeo, ut si tam deses Nominis Tui gloria foret, ne te ad nos hæcenus deferret, tarditatem illius, virtutis Tuæ magnitudo, compensaret; nosseq; Te CZACCIUM ex ingentibus factis omnis deberet, qui de publica salute optimè audire aliquid vellet. Sed hæc erant majora irritamenta gratæ semper Tuis laboribus Patriæ, innumera virium Tuarum dispendia, spectare sine lucro, labores sine præmio, sudores æstusq; gravissimos, sine trabeæ protegentis refrigerio. Non unius credo animum defixit, lenta hæc nimium proni aliàs ad præmia Cœli æquitas, quæ Tibi in votis in animis omnium parabat cumulos honorum infinitos. Hinc pleriq; domesti-

E

cis



cis suorum vitiis, Numinis irati feveritatem, tribuebant; quæ sublatô in pœnam non uno Patriæ viro & bellatore, majori longè eandem supplicio affecisset, dum Te illi Patrem tandiu negasset. Alii insolitum aliquid Numen portendere autumabant, & cui solio parem imperiis animam, magni muneris locô donasset, longiùs cogitare, Alii suspensa Civium vota superùm beneficio imputabant, ut longioris tædii magnitudine prostrata, Tê ad Curules sublatô, ipsa pariter in gaudia altiùs assurgerent. Adjecta nonnullorum, Eorumq; paucorum suspicio, quæ Te honoris ILLUSTRISSIMI minus capacem sensit, quod jam solem videre non possis. Sed quam cæca hæc ratio fuerit? clarum est, Quod enim fatum Tibi lucem oculorum ademorat? si non illæ vigilantis curæ, quibûs assiduus incubabas, ut Patriæ bono prospiceres. Quæ inquam fatorum inclementia lucem Tibi oculorum ademisset? nisi vehemens ille sapientiæ amor, fatum Tibi tam atrox esset? quo impulsus, noctes diesq; lustrandis codicibus



cibus impendisti. Illi itaq; lucis publicæ minùs se capaces, rectiùs timeant, qui nusquam felicitatem Reipublicæ æquò oculo fronteq; tolerant, qui impendentibus à longe Patriæ periculis, prospicere aut negligunt aut non possunt, cæci ipsimet ducesq; cæcorum. At ego credo Patriam malle suos oculis, quàm mentè cæterisq; optimi civis præliidiis destitutos. Amat itaq; Respublica, amat Majestas Tuos oculos Senator ILLUSTRISSIME, qui etiam amissi, longiùs commune bonum malumq; vident, quàm mille aliorum suis commodis unice servati; gaudetq; illam lucis nativæ carentiam cæterorum luminibus esse potiozem, qui se Argos persæpe centoculos jactant, & non sunt. At verò si plorare jacturam hanc Tuam, simulq; suam vellet, statim illi os Tuum grandis illa oraculorum Regia ex ipso sermonis flore, ex mira dicendorum varietate, ex incredibili relectorum memoria, ostetat, quam benè, quam providè lucem oculorum dispensasti, quæ se totam prælo noctes, diesquè im-



pressit, ut Te totum grandem Bibliothecam efficeret, exemplar quoddam doctioris sæculi Orbi Polono proponeret, ex cuius capite legat unusquisq; Senator, Senatoris, Civis, Civis optimi leges & munera, omnibus titulis sanctè & sapienter absoluta. Unde universi discant quàm doctum, quàm scientiis insignem Virum esse oporteat, qui ad Consulis emeriti munus aspirat. Sed jamne? cum Luce oculorum, omnis in Te scientiarum ardor extinctus? fervet hic etiam mediis in tenebris nullâ fatorum umbrâ suppressendus! Hinc est, quod cum jam Te legendi potestas deficeret, ut alveis codicibus animi tædia recreares, oculos mendicabas à cæteris, quorum officio gloriosæ sciendi consuetudini subvenisti ut quidquid illi relegerent Tu menti fortiter imprime res, indelebile hoc de Tua virtute posteritati relicturus: Præcelsis mentibus etiam casus servire ad sublimia, nullumq; malorum genus esse, quo non uti optimè possent, si velint. Sed heu! quæ gaudia quos plausus, *afflictæ*



afflictæ aliàs Tua calamitate Patriæ, attulit hæc felix inter aduersa Tui animi Constantia! Sors credo Gentis Nostræ publica, hæc sibi pupillas vendicasset, ne cæca posthac fieret, aut certe nomen suum Tibi cederet, ut Tu posthac fortuna Patriæ dicereris. Delibasset illas mille basiis sapientia, aut felle ceu Tobia oculis linisset, si amarorem quempiam erga Te in corde sentire posset.

Ergo jam ad summa quæ Reipublicæ, quæ Voſhyniæ, quæ Domus ILLUSTRISSIMÆ desideria, minimæ etiam Societatis JESU Senator amplissime admittes vota. O! quantis Te illa tædiis Patrē Patriæ fuspīrabat!, quē Patris, Matrisq; loco toties experta! Quantis ferebatur desideriis! ut Tu super apicem super fastigia Lechici Senatus efferri posses, qui magnitudine beneficiorum, & merita Nostrum omnium excedis & Vota. Ipse credo Dux Ignatius resumptis iterum armis, titulorum castra subigeret, si Tuæ dignitati refragari vellet; classicum illud Majoris Dei gloriæ

F

in-



ingens horum agmen sub Tua vocaturus signa, innovaret; qui in minimis ejusdem Sociis maximum Superum cultum Fundator amplissimus propagabas. Jam Franciscus Regis, cujus honori Poriciensem Basilicam à primo erigis lapide, Ipse pariter Tuæ gloriæ faber esse vellet, atq; jam depositis unâ cum vita vitæ Apostolicæ laboribus, adhuc Tui Nominis Apostolum agere contenderet, assumptisq; meritorum Tuorum pro Evangelio fastis, Te more suo per Aras, per honoris templa, quibus Te Patriæ Numen, adorandum Civibus proponeret, circumferre. Pedem illum asperis montium semitis fractum, quò firmitus in ipso honorum vertice consisteres, Tibi cederet; plantam pro basi submitteret, quæ Donus præcellæ gloriæ, ad prima dignitatum fastigia ita proveheret, ut Tu supremus ejusdem specteris apex. Ipsum deniq; positum suo Nomini à Te Augustal libens cederet, modo in Templum Tui honoris converti possit. Sed quid ego inanî verborum officiò, & meris affectum figuris in Te contendo,  
cui



cui longè magis amores nostri debentur, quàm ingenia? Cum fictis fictè agendum, illisq; mutuo ipsa officiorum species præsentanda, qui solis nobiscum duntaxat officiis conveniunt, verborum magis prodigi, quàm operum. Tu Senator ILLUSTRISIME licet eâ prudentiæ regulâ cautus superum dono videaris, qua & sinceri animi documenta, à mentiti affectus superficie longius dignoscere, & larvata illa officiorum monitra paribûs officiis sapienter protrudere non ignores; quod tamen hac lege nondum erga nos usus fueris, testantur innatus Tibi unaquè cum lacte Matris ILLUSTRISSIMÆ candor animi erga nos inditus, pectus singulis expansum, & sinus gratiarum amplissimus, consuetudo perpetua, qua nos, in dies singulos, in horas, momenta, non citra cæterorum invidiam, Zelum, æmulationem dignaris. Ergo illos affectuum circuitus, ambagesq; verborum ingeniosas deserit jam oratio, ipsa ruditate styli suam Tibi simplicitatem, candoremq; grati animi ingenuè testatura: Poscebamus grandibûs



suspiriis Fundator ILLUSTRISIME ut  
Te Numinis benignitas, non jam tra-  
beis aliquando redderet, ( hoc enim  
nec dubitare poterat spes nostra simul  
Tuis meritis, simul innatæ Regibus æ-  
quitati, simul superum Providentiæ, quæ  
frustrari benemerentium actus, suis præ-  
miis non permittit, confisa ) sed ut id,  
quod jam dudum & voluntate sua &  
votis omnium justè decretum est, justi-  
us adhuc acceleret Fatigabamus itaq;  
aras precibus vota votis cumulata nullâ  
morâ, nullô quietis interjectô spatiô  
mittebamus ad Superos; adeo: ut quod  
multos Volhyniæ Castellanos Illustrissi-  
mos, brevî temporis intervallô Cælorum  
fastigio receptos numeramus; id plane  
ideo Numinis Potestas facere visa, ut  
Tê fascibus Volhyniæ per cæterorum  
etiam funera ocyus admotô, illâ se tan-  
dem curâ absolveret, quam illi juges  
postulantium querelæ, & repetita toties  
singulorum suspiria faciebant. Nec ve-  
ro nostræ tantum gratitudini, quantum  
Tuis potiùs favoribus ille debetur fer-  
vor maximus, qui se minimorum Cor-  
dibûs



dibūs in immensum fere ampliavit. In-  
hærebat enim altiūs singulorum memo-  
riæ, declamata nobis tamdiu beneficiorum  
multitudo, quâ nos Genitores Avi Ma-  
joresq; Tui ILLUSTRISSIMI supra  
spem, supra numerum, auxerunt. Oc-  
currebat rursus animo, quæ se passim  
omnium oculis nunc ingerit, tot tantisq;  
gratiis cumulata in nos Tua humanitas,  
quæ feris etiam non dubito gratioris  
animi sensum ingereret. Adjecit po-  
stulantibus animum, grandis illa futuræ  
securitatis fiducia, qua nos Te Senato-  
re, Te conscripto Patre Patriæ simulq;  
nostro, Aulam Quiritum trabeatam, Ca-  
pitolum illud Lechiæ intraturos nullo  
obice autumabamur; multaq; inibi pro  
nostra indemnitate, pro cultūs Divini in-  
cremento, Te Oratore dicturi; multa Te  
Patrono, Te vindice, Te Authore nostræ  
fortunæ effecturi. O! quantis singulorū  
pectora desideriis tam multiplex tamq;  
sancta cogitatio impleverat!

Hæc dum exaro atq; obligatæ Socie-  
tatis coram Te Illustrissime Domine cor  
effundo, succenseri mihi tacitè videor

G

quod



quòd, cùm cæteræ etiam Religiones sum-  
mis favoribus obstrictæ, Te Senatore  
exultaturæ plurimùm sperentur; Unius  
tamen Societatis erga Te animum, pro-  
priis votis affectatus nimium assentator  
exaggerem. Fateor Illustrissime Castel-  
lane Numen Te quoddam, omnibus  
benefico influxu propitium. Fateor pa-  
rem solibûs animi Tui magnitudinem e-  
am esse, ut uno ambitu teneri non pos-  
sit, sed in plurimorum commoda Divino  
plane munere se dispenset. Sole hæc  
clarius relucet, tot per templa, aras,  
Sanctuaria, relicta Tuæ munificentiae mo-  
numenta; quæ Te per fastigia titulorum  
ceu per gradus quosdam cœlo tandem,  
utinam seriùs! inferent. Ea interim be-  
neficiorum Tuorum magnitudo erga  
nos est, ut se per Aras Domosq; nostras  
ampliando, etiam per corda Filiorum I-  
gnatii propagaverit, & adhuc restat  
quod memoret, quod grata adoret So-  
cietas. Elisit itaq; omnium quanta quan-  
ta sunt aliorum beneficiorum memoriam,  
grandis illa Tui in nos animi vastitas,  
nec locum aut tempus cætera remini-  
scendi



scendi concessit; cum ea quæ nobis  
duntaxat Fundator Munificentissime  
contuleras, tam ampla, tamq; magnifica  
sunt, ut vix omnium possint memoriâ,  
gratoq; pectore comprehendi. Ergo  
quærimoniis suis si quæ sunt, finem im-  
ponent, & nostris desideriis non obfi-  
stant. Ampliabuntur hæc in animis no-  
strum omnium, donec Te honoris glo-  
riæq; magnitudine, spes vota;q; univerfo-  
rum longissime prætergressum non gau-  
debunt. Sepulchrum quidem Tuis mayo-  
ribus, inquilinum Tibi etiâ sera post fata  
non negamus; Vives tamen nostris a-  
moribus etiam inter cineres, nullum in  
corde Ignatii grato sepulchrum habitu-  
rus, præterquam grande immortalis me-  
morix monumentum, quæ gratias Tuas  
tamdiu fovebit, donec se cælo interent,  
amplissimis superum muneribus cumu-  
landæ.

Ex his itaq; cæteris votis singulorum  
& studiis, quibus Domus Illustrissima,  
Vothynia, Patria universa, minima tan-  
dem JESU Societas in Te contendebat.  
triumphorum immensitatem collige Ca-



stellane Illustrissime, & ut ex gutta Oceanum, ex atomo Pelium, ex scintilla flammam, sic ex desideriorum quæ tamdiu tenebantur magnitudine vim erumpentium simul gaudiorum metire infinitam. O si Domûs præcelsæ penetralia, Volhyniæ intima, exultantis Poloniæ viscera, cor tandem illud igneum applaudentis Ignatii scrutari licuisset! vidisses Senator optatissime quanto se agmine, concursu, castris plausum infinitis, ubique evolvunt solatia, Aper credo Gentilius qui rugas bellicas, tamdiu alebat fronte, frontem in gaudia explicat, depositaq; feritate, caput, licet sero humanæ in Tua merita inclinat fortunæ. Materna ZAHOROWSCIORUM flumina olquā multiplici alveo redundant in gaudia! quod post tot sudorū procellas, post effusi pro Libertate sanguinis profluvia, repereris tandem! tandem! portum in sinu trabeati honoris optabilem. Venator Volhyniæ ILLUSTRISSIMUS & Frater tuus, non ipso duntaxat Generis clarissimi splendore, sed ingenti etiā meritorum quibus Patriam illustravit, luce, ceu suo Castori Pollux



Pollux tibi conjunctissimus, quod non  
ferenum Animi sui Cælô circumfert! te  
inter trabeata Poloniæ Sydera refulgen-  
te. Adorat jam sui muneris Fortunam,  
quæ feris in te honoribus Patriæ titu-  
lisq; tamdiu casses tetenderat, donec  
Tibi veriori Timotheo, Vellus id Vot-  
hyniæ Trabeatum! prædæ locò insignis  
detulisset. Colligata Domui ILLUSTRIS-  
SIMÆ Nomina, intima animorum Con-  
junctione, gratias Majestati exsoluunt in  
finitas, cujus Clementia emeritum ostrô  
revinxit humerum, ut secuturis Patriæ  
Commodis obligaret. Universa Vot-  
hynia, quæ fere integra sanguis Tuus est  
& Domus Præcellæ pars quædam, inte-  
gra assurgit in plausus, te federe post tot  
labores, suas inter Curules jussô. Jam  
Patriæ illud Augustum pectus introspi-  
cere si liceat? O! quanta se majestate  
ampliat gaudiorum immensitas! quam  
vastò sinu, per famæ triumphantis labium,  
per aures exultantium Civium ubiq; pro-  
pagaris! Illi gratæ superis Patriæ mu-

Hædæmædus nus



nus interim obeunt, atq; Cælorum benignitatem demissa fronte proni adorant, quod te Caput Consiliis Saluber-  
rimum, in prima Patriæ fronte posuerit. Alii Reipublicæ felicitatem Communi-  
bus præconiis attollere & quæ salus Ci-  
vium, quæ libertatis Polonæ securitas,  
Te Quirite, Te Conso Patriæ futura sit?  
indubiè autumare. Aliis jam inter ta-  
bellas Patriæ publicas, ceu rumor orbi  
Polono gratissimus, ceu notitia Univer-  
sis maximè proficua, Castellanus Voł-  
hyniæ legendus occurris; hinc paginam  
avidè universi obtutibus objicere, & quod  
dudum animo suspiranti inhæserat, sæ-  
pius oculis circumferre, nomen ILLU-  
STRISSIMUM cum plausu toties reci-  
tare, ori reverenter admove, salutare  
inter trabeas osculis honorificis. Sic tan-  
dem tot inter officia & ingentis lætitiæ  
apparatus, ab oculis ad os, ab ore ad  
Cor singulorum devolveris, non plus in  
curulibus quam in præcordiis singulo-  
rum confellurus. His ubi minima JE-

SU



SU Societas ad triumphorum Confor-  
tium accedit, magnitudinem gaudiorum  
intra grati pectoris fibras non patitur,  
Cælo illa Propitio devotissimè transmit-  
tit, quod se post tot suspiria precesq;  
infinitas auditam fecerit, Te inter Qui-  
rites Poloniæ solenniter tandem de-  
clamatô.

Sed quid ego istam gaudiorum  
immensitatem nimis amplio? Minora  
hæc longè forent, Te ad hocce dunta-  
xat trabeati honoris fastigium receptô  
quem ingentia merita, Nominisq; præ-  
cellsi magnitudo, summis etiam apicibus  
parem fecere; nisi primus ille trabeati  
honoris gradus, cui insistis, tam felix  
tamq; beatus in Cordibus nostris vide-  
retur, qui Te meritorum Tuorum suffra-  
giô, ad suprema in Senatu Lechico ef-  
feret fastigia. Ibis itaq; Senator Illustris-  
sime ex hoc dignitatis sublimi in aliud,  
procedes à titulis ad titulos, à Curulibus  
ad Curules, tam felicî tamq; gloriosô  
vestigiô, usq; dum eo perveneris, ut omni-



um spes & vota honoris magnitudine  
longissimè prætergressus, nihil supra Te  
videas, præterquam Cælum, quo Te  
Tua virtus pietasq; in Patriam, post tot  
emenſa titulorum fastigia licet  
seriùs admovebit.





